

四庫全書

史部

欽定四庫全書

史部

四明續志卷九至十二

詳校官監察御史臣沈孫璉

檢討臣德生覆勘

總校官降調編修臣倉聖脉

校對官中書臣黃晃

謄錄監生臣沈堂

欽定四庫全書

四明續志卷九

宋梅應發劉錫同撰

登鎮海樓

鄮山深處古明州  
新有江南客倚樓  
鳳闕天連便望日  
蛟門海宴不驚秋  
頭顱已迫殘年景  
身口聊為卒歲謀  
蕭颯西風吹敗葉  
滿眶清淚自難收

對黃花

當年脫却戲衫回又被官差喚出來疾惡念輕緣練歷  
好名心懶為衰摧莫愁白髮家千里且對黃花酒一杯  
信美江山非我土倚空凝竚更徘徊

呈蕭山知縣

丙辰九月旦日絕江抵蕭山老懷  
萬感偶成唐律一首呈邑大夫

八年兩喚浙江船吳越青山相對妍長愧主恩難報答  
不知人事幾推遷香浮菊桂秋將暮景迫桑榆歲可憐  
荒縣今宵孤館夢四千里外楚雲邊

分定

丁年曾授此東州  
懔懔賤天得罷休  
七上八下忽九閏  
十洲三島終一遊  
人言官貴體當重  
自笑兒癡病未瘳  
只為君恩深莫報  
明年春盡得歸不

自嘆

門槌柏板久收藏  
又向棚頭弄一場  
束縛冠裳新上舍  
經營粥飯舊街方  
亂鴉啼處客回首  
落鴈聲邊人斷腸  
堆案文書銷永日  
誰云燕寢凝清香

諸兒憐我太焦熬我把真機告汝曹外白內黃常抱守  
出朱入墨任紛撓治齊固有曹參逸理蜀寧無諸葛勞  
畢竟食馬而怠事天刑人禍恐難逃

閱城壁

內江外海四周圍正是綢繆戶牖時北瞰登萊山不礙  
東漸倭麗汎難期未須鷄鷄增威勢已覺狴鼯受指揮  
敢謂虛名彈壓得多應一念老天知

歲晏無聊收 缺 氏訊

參成凋郡力難任  
雪上加霜兩鬢侵  
四五更頭猿鶴夢  
數千里外鵲鴿心  
老來倍覺光陰促  
休去方知意味深

休去禪家語

陶白邵詩消遣具  
晚牕無事且微吟

### 朝謁歸省文書

面擁旌旗鼓樂隨  
誰知錦被裏瘡痍  
吏那秋斂充春賦  
兵待朝輸作暮炊  
縮手判支窮措大  
攢眉書準老沙彌  
此是履翁新活計  
鴈書多報故人知

### 喜雪

黃竹歌中百姓歡去天近處雪花乾  
蔡洄事業方歸度剡曲風流欲訪安  
便覺光輝生萬里定知潤澤被三韓  
衰顏老守煨殘芋白戰猶堪上將壇

元冥去歲失其官今歲誰云補過難  
謝院撒鹽飛瑣瑣隋堤剪帛散菱菱  
簷儲宿肉喧山鵲路沒遺踪走野豻  
管取明年書大有飽抄雲子飯加餐

再賦喜雪

黑風剪水作瑰琦散落人間賤似泥  
萬象直教還朴素



千岐何幸盡平夷  
征人遶路昏投店  
戍士乘城夜守陴  
不識艱難惟党二  
銷金帳底飲羔兒

夜深如水潑衣衾  
曉看皚皚冒碧岑  
以潔藏污窺物理  
由仁行義見天心  
但教南畝多呈瑞  
何必東夷屢獻琛  
麥熟吾時歸印綬  
不能者止念周任

喜雨

雷使巡行徧五方  
夾秋不怕旱為殃  
人間祥瑞三伏雨  
枕上吟哦終夕涼  
已卜晚青催出穗  
且將早赤急舂糧

有司不損應言損隨分蠲租助蓋藏

莫嫌暴凍勢如歆此是家家老飯盆雨足蛟龍應得謝  
秋登雖犬亦蒙恩頻年已喜稼無賊今歲尤欣禾有孫  
回首江南田谷口西風颭颭倍消魂

再用前韻

行雨龍公屢易方魃妖誰敢扇餘殃田疇接得三年熟  
桃簞供來幾夜涼更喜征夫無減竈定應行旅不費糧  
寄聲鄞土黃承事有粟何須更窖藏

不假焦仙把酒歡須臾澍雨若翻盆官應可了劬農事  
天豈終慳及物恩無復絕糧憂魯叟何須進食念王孫  
只愁撩得秋聲動老客他鄉易斷魂

再用前韻各賦三解

九天膏澤沛羣生盡掃螟蝗蝥蟊殃即刻焦煩成夾塏  
何時繁富換荒涼滌場定是多遺秉棲畝爰知有剩糧  
却笑華門窮措大瓶罌脫粟正深藏

神虬捲水向空歆溝澮充盈到盎盎天上只消些小力

人間知受幾多恩  
江沱樂意魚夫婦  
淇澳生涯龍子孫  
無限槁枯皆被澤  
阿香一擊尚驚魂

密雲能雨自西方  
不假巫尪解息殃  
地產固應滋物產  
天涼那更挾心涼  
未憂懸釜供蘇爨  
何事量沙作糗糧  
臨得顏公乞米帖  
從今歲歲只珍藏

赤米炊香兩鼻欬  
白鹽不用置牢盆  
家家已了收藏計  
物物何知造化恩  
衣褐寬來姑喚婦  
垣墉補處祖將孫  
江鄉此際雞豚社  
里舞村歌入夢魂

先生粗有辟邪方不怕鱖魚解降殃  
今雨收功真溥博  
早秋得勢已淒涼  
幽場栗栗方登穀  
漢甬陳陳可峙糧  
此是邊籌居第一賈生表餌且韜藏

牀頭酒熟氣烝歆嘉飯何妨置瓦盆  
醉飽不知身世事  
思量難報后皇恩  
垂髫牧子行牽父  
戴白山翁坐擁孫  
却笑東征西討客  
龍堆萬里欲飛魂

喜雨

古佛爐前一炷香  
神龍天矯挂空蒼  
人間祥瑞六月雨

枕上吟哦終夕涼不待白渠紛畚鍤俄驚赤鹵屹倉箱  
自慚太守無功德帝力惟知荷聖皇

西抹東塗老不禁芙蓉洲畔更浮沉數莖半黑半絲髮  
一寸憂晴憂雨心烏糞且欣將淅玉紅蓮何翅已抽簪  
小臣獻穀穠嘗了深密山林可訪尋

晚上危樓望碧岑雲烟開闔弄晴陰見前鷗鷺移心法  
何處鴟梟過耳音好雨十分催暑駕涼風一宿動秋砧  
誰憐老子思鄉淚滴向鄞江未是深

再用喜雨韻

古說雲香雨亦香天工豈是色蒼蒼寸瓢假手何煩靖  
斗酒開眉不換涼穠穠已欣登杵臼綌絺漸可納巾箱  
擬賡周雅魚麗什堆案文書未暇皇

熱惱煩蒸正不禁火輪忽向半空沉屯中信有雲雷象  
復處方知天地心便擬新秋先上印何須晚歲始投簪  
江山信美非吾土栗里時從蝶夢尋

雨脚如奔冒遠岑須臾六合變層陰坐回物物昭蘇意

想見村村喜笑音翁說稻梁營米棧婦思裘褐拂衣砧  
定知一熟酬諸願擊壤歌中此感深

三用喜雨韻

雨缶雲瓶剖阿香瀾漫何處辨玄蒼衰翁顚顚憂三伏  
古佛慈悲賜一涼但願有緣乘款段豈應無夢駕偏箱  
西風谷口秋田熟休問奇章與贊皇

虬龍未必要呵禁久暍無緣便陸沉未遂明農歸老計  
且寬憂國願豐心披襟雅稱琉璃簞散髮何消玳瑁簪



只怕門前多襪襪文書銜袖苦相尋

電掣金蛇跨列岑秋陽翕忽轉秋陰俄驚石鼓無停響  
坐聽簷花不斷音玉秫已堪供甕釀紫螯漸可付庖砧  
一年好處相將近分外鄉情此際深

四用喜雨韻

園林過雨宿荷香猶挂輕練佩水蒼老去只應休去好  
秋來方是晚來涼倦翎網已離三面病顙車難服兩箱  
多幸時和歲豐美只將心念報虛皇

背人歲月苦難禁  
烏兔相追互起沉  
點檢平生如夢事  
保全晚節是真心  
圍腰減削那勝帶  
種髮蕭疎不上簪  
久悟盈虛消息理  
香山蓮社擬追尋

北岑飛雨過南岑  
遠嶂晴明近嶂陰  
老檜婆娑方午色  
孤桐搖落忽秋音  
庭稀鴈鶩飛符檄  
海絕鯨鯢伏斧砧  
此是老臣聊報國  
仁聲敢謂入人深

五用喜雨韻

黯雲潑雨土生香  
不解琮黃與璧蒼  
天道從來關感應

人間此際換炎涼青燈可近聊凭案綳帙堪翻謾啟  
箱牕外候蟲聲急出坐看斜月照堂皇

癡風盲雨驟難禁撼壁掀牕夜向沉百種已灰當世  
念一團都是故鄉心伏鴛撲墮牀頭幔饑鼠銜翻  
鏡上簪閒打無為坐空寂譙樓五鼓已侵尋

家家穫稻積如岑不問山椒與谷陰沽去村醪醺醖  
味吹來隴笛筦絃音鋪兒喜笑迎郎罷饅婦謹欣  
就藁砧雨玉雨珠無此景須知造物用情深

六用喜雨韻

午牕隨分理殘香掃地闔門付小蒼連夜月無  
昨夜色今朝雨有幾朝涼白頭悵望家千里黃  
耳寄歸書一箱徧問西疇全熟否還鄉百口免  
憂皇

毋煩符祝不祥禁并遣商羊旱魃沉自媿何闕  
太守力誰知最切老婆心苦身見說湯誅髮沾  
體曾聞禹墮簪乾溢兩無年大有君王德澤海

千尋

雲霾幾日障危岑  
戶牖綢繆要背陰  
又是撩空孤鴈唳  
那堪穴壁亂蛩音  
潘郎寂寞嗟輕篋  
楚女淒涼起斷砧  
大抵人生嫌老大  
一回秋思一回深

七用喜雨韻

鼻觀初聞九里香  
小山幽桂老尤蒼  
縱然有少殘零熱  
自是無緣頓段涼  
似覺衣襦嫌楚葛  
便教牀榻卷巴箱  
虬龍雨足當休謝  
誰與飛牋叩玉皇

類年寒暑不能禁休較玄枵與實沉自古難消兇輩口  
從來韋契老天心農登稼穡多儲寶盜息荏蒲罕竊簪  
持此効君強曝背庶幾三徑許歸尋

闌干小倚望遙岑曉霽朝朝換午陰越鷺已收天外影  
吳鴛尚帶雨中音海瀕客子秋銜袖塞上征人夜拊砧  
都是一般無意緒閑勞爭奈主恩深

八用喜雨韻

飯抄雲子得能香秋賽村村荅上蒼雀集田疇營宿飽

牛閒籬落卧新涼  
棲棲底用干鄰粟  
翼翼惟應詠我箱  
一稔居然寬百慮  
不須禹稷更皇皇

殘暑如蒸尚不禁  
坐鄰三鼓斗杓沉  
雨調可是月離畢  
時熱元來歲在心  
筋力不堪凭几案  
頭顱惟便卸冠簪  
呼童火燎焦冥種  
投隙藏虛未易尋

礫石何分埠與岑  
神功且幸景多陰  
願聞慶義空中語  
喜聽子期巖下音  
南圃壁懸居士杖  
西鄰牀撼女郎砧  
消磨鄉思憑杯酒  
力不能任莫放深

九用喜雨韻

何消黍稷薦馨香三尺擡頭即昊蒼  
雨岳決來如此溢風車輸與自然涼  
問他金玉堆成塢更使珠璣積在箱  
逢却年饑堪煮否移民移粟定旁皇

倒甕翻盆勢莫禁旱灘焦磧盡低沉  
定知此喜非常喜只是將心去比心  
人樂和豐方賣劍誰貪遺滯忽亡簪  
村翁曳杖前山去丁祝孫來酒戶尋

家鄉千里隔千岑想見飛鳴鶴在陰  
留滯又煩山寄檄



平安且幸竹傳音漫誇齋靜香凝寢但覺簷高鄉音發砧  
若把悲愁情緒較蚤秋不似暮秋深

十用喜雨韻

江南九月菊花香獵子牽黃與臂蒼歲幸豐登連楚越  
地非磽薄比渠涼雨收甘澤歸三印雷斂神功入五箱  
作解功夫都了畢不須赤子更回皇

喜極夫何恨不禁五更霜角夜聲沉滴殘塞北征夫淚  
點碎江南遊子心久客情懷愁似織休官時候夢非簪

寶陀老子相憐否苦海應援縵萬尋

覽輝儀鳳下高岑有道朝廷夬決陰宣室禮成  
熙洽象明堂樂奏治安音嘉祥已慶連金穎盛  
事還祈獻石砧只道太平無以報誰知堯德舜  
功深

勸農

朝廷差下勸農官同向郊原點檢看場圃事興杞柏冗  
田疇功畢桔槔殘上租郎主丘丘定輸米官司粒粒乾

雖是太平今有象願陳七月述艱難

因見他鄉黍稷收令人鄉思轉悠悠新篘白酒雞豚社  
旋摘絲蓴鱸鴈洲好處光陰長是客老來情緒更逢秋  
堯夫六十三休致前輩風流可繼不

名園乘興小留連洛社風光在眼前突兀樓臺多占水  
陰翳花竹小窺天建封已去悲春燕樊素何之咽暮蟬  
人事廢興渾若此憑欄對景一凄然

出郊用劭農韻

連檣載米去輸官只得將為樂土看餉互豚蹄秋願了  
飽均雞犬午春殘門前掃刮犁鋤淨屋上鋪添稊結乾  
識字田夫充長吏了知圖易在思難

水光山色盡兜收老子穿林興尚悠眼底有詩皆錦野  
心頭無事即瀛洲鷄鳩豈較物和我螻蛄何知春與秋  
所謂人生行樂耳如斯逝者可追不

怕見書空鴈字連可堪清淚落尊前謾因上澣休閒日  
出見初秋瑩淨天人正慕羶爭似蟻誰能換骨蛻如蟬

細思回客吾徒爾而我何為獨不然

聞同官會碧沚用出郊韻

碧沚堂前瞰水官只應喚作玉壺看  
頗聞秩秩玳筵展莫遣匆匆銀燭殘  
酒付別腸寧怕窄詩由廣舌不憂乾  
老夫孤坐三更月欲往從之良獨難

萬頃蟾光浩不收花汀竹嶼思悠悠  
黃公所隱知何地賀監宜歸乞此洲  
良夜最佳惟午夜今秋偏好是中秋  
舉杯酒露月同吸仰面青天可問不

暝色偏宜水色連橫陳好景向尊前是人事用無遮月  
誰子裝褫不染天細閱人生幻泡影了知世事雀塘蟬  
賞心樂事休空擲邂逅相逢不偶然

出郊再用韻賦三解

此時尉候迭專官木落郊空最好看海檜不為時節改  
巖花未覺色香殘明堂柱下捐樗散清廟籩中薦豆乾  
天地無私能物物飛蚤終自負山難

山朋水友訊頻收怪我明農事轉悠南墅麋猿專一壑

東溪鳬鶩據三洲人間顛倒舟移夜客裏淒涼坐閱秋  
六十餘翁何所戀金雞赦了可歸不

見說蓬瀛上界連誰知只在眼睛前但須牢踏脚根地  
更要放開心裏天世事可憐旋磨蟻人情爭慕集冠蟬  
但教禁齋曾知味不似魚羹飯泰然

平生慣作牧民官不作朱轡畫戟看惟有寸心存惻隱  
誰憐隻手補創殘樹蔬人要畦畦潤種麥農便隴隴乾  
乍雨乍晴都恰好老天誰道叫呼難

空綃圖畫幾曾收樓外蒼林遠更悠日暮羣鳥投櫟社  
天長數鴈落蘆洲爲諳世上空花景最喜山中落葉秋  
官事漸稀農事了携壺挈榼可容不

水聚山環旺氣連榮華富貴各攬前劫從無始認爲我  
數到有終還是天曉月園林空啖鶴晚風亭樹謾鳴蟬  
寄言世上耽迷者所美當知非美然

老大頭皮捉出官轉頭重九又看看莫愁客裏黃花負  
只恐尊前白日殘喜得賜封天燧息合教入塞敵心寒



聞敵人有南犯  
淮堧之報故云  
豐年喜色眉尖上一笑相携肯作難

午香一縷篆烟收  
欹枕方牀此景悠  
便覺夢尋桃葉渡  
不知身在菊花洲  
簿書堆裏挨排日  
砧杵聲中斷送秋  
坏戶蟄蟲猶識候  
人生知覺似渠不

牕草池蓮樂意連  
一帆直到太虛前  
拈來瓦礫無非道  
觸處鳶魚共此天  
鶉固珍羞元是鼠  
蜣雖穢物却為蟬  
神奇臭腐相更禪  
妙理誰知所以然

再用出郊韻似延慶老

菩提只在攝心官日觀元同月觀看萬種因緣都是結  
一花根蒂幾曾殘祖師曾誓瘡膿壞講主能參屎橛乾  
百碩麻油攤樹上得來元不見艱難

工夫全在放時收鷄過新羅路太悠世網愛河千渤泡  
人寰苦海一浮洲要知坐卧并行住只在春冬與夏秋  
昨日亭前柏樹子分明說法聽聞不

普殊難葉一鈎連勘到釋迦文佛前口裏巴巴綠十地  
眼中盼盼是諸天泥涂爛處藏頭鼈高樹梢頭脫殼蟬

各自身軀各自性誰知各自本同然

登延慶佛閣用出郊韻

東西南北幸同官休作班荆解后看一笑喜逢粳秫賤  
相攀莫待菊茱殘沙鷗點點投波沒簷鵲聲聲帶日乾  
美景良辰同賞樂四并誰道古來難

高閣都將萬象收憑欄睇望興何悠張郎遁世誰家谷  
孫子成仙何處洲風雨喜無臨九日江山幸有答三秋  
年豐市井多歡笑老子婆娑亦可不

遠峰近嶂似環連擁翠排青到面前可聖可賢桑落酒  
不寒不暖菊花天吐吞湖海酌金兕批判煙雲揮玉蟬  
此客坐中應不欠逢場何惜一跔然

再用出郊韻

父老休驚作長官只將田畯一般看汝應西墅功將畢  
我亦南柯夢向殘夕照拖雲楓影亂秋風掃地葉聲乾  
瀛仙島客知何處策杖相從正不難

遠山空處斷雲收一段秋光野思悠鷹隼不妨侵碧落

魚鳧自覺得滄洲桑榆晚景能多日桂菊他鄉又一秋  
聊記清尊澆眊噪茲遊還可再尋不

屈曲蜂房蟻戶連秦箏羯鼓綠牕前儘教迫窄無餘地  
誰道虛空有剩天是處畫堂餘燕雀幾家高屋畫貂蟬  
閒堦細草蛩聲惡極目烟波正渺然

三用出郊韻

從來此地出高官綺屋連雲畫裏看十里湖光多樣好  
百年人事幾回殘菰蒲帶露枝猶濕穠稌逢晴把便乾

樂歲何妨歌樂職簿書纏縛敢辭難

高橋第一戰功收從此江沱歲月悠  
顧我壯懷成槁木  
令人老淚落荒洲  
西風何處雞豚社  
東里此時魚蟹秋  
一笑回頭便今古  
賞心樂事可重不

金屋無人喚阿連  
碧桐依舊綠階前  
境瞞眼處非關物  
事換頭時即是天  
秋水岸邊凝鵲鷺  
晚風枝上沸蜩蟬  
靜中閑動渾如此  
描畫何須倩巨然

四用出郊韻

慙愧魯尸一品官如今已作倒盆看但干馳逐心都歇  
只有登臨興未殘欲掃雲烟憂筆秃擬澆塵土怕壺乾  
旁人莫把衰翁笑追趲躋攀尚不難

四望青山宿霧收白鷗浩蕩意悠悠紅旗不用穿三市  
畫舸何妨訪十洲臺榭裝成多樣景水雲占却幾分秋  
洛陽耆舊名園記般入明州志可不

一望平湖萬頃連恍如身在鷺峰前築塗成宅難移地  
疊石為山欲奪天綠萼枝方停曉鳳白楊樹已咽寒蟬

達人大觀緣如此萬事都來付且然

五用出郊韻

寄語頭銜水利官隄防莫作等閒看田疇雖幸收成早  
溝澮猶疑灌溉殘勸課農桑心獨苦丁寧父老吻應乾  
米從布袋癡兒事我輩須知稼穡難

看他南畝十分收歸去來分事尚悠夢裏便尋青櫟社  
生來幾過白蘋洲向前七袞無多歲更後三朝即半秋  
如電如陰如幻境還知生熟路頭不



冥鴻本擬與雞連一笑西風沆瀣前放步退來元有地  
從頭算去莫非天可憐高舉搏風翮爭似低飛飲露蟬  
若使危機能徹底盈虛消息豈其然

劭農翠山賦唐律二首

小隊旌旗上翠巖松風十里鎖禪關水深水淺高低澗  
春淡春濃遠近山鄉思猛隨蒼鳥去客心暫與白雲閒  
天公已是多情殺特把淋頭雨放慳

老守憂民若已傷三回奉詔勸耕桑周家綿遠農開國

漢室興隆穀腐倉麥綠少地鋤山種水怕多流紫石防  
田里熙熙如樂土更祈四表共平康

梅花小吟

難喚林逋伴客遊占春亭畔獨夷猶一花兩蘂意方遠  
三島十洲香已浮清曉園林霜似練黃昏欄檻月如鉤  
若還說著和羹事只恐渠儂笑不休

占春亭即事

桃花幾片隔牆飛獨自危樓徙倚時目送斷鴻雲外沒

東風吹淚落天涯

見他門戶插垂楊  
懊恨江南客  
子腸春夢誰云無  
準托連宵合眼是家鄉

薄霧輕烟柳際浮  
堦前細草綠初抽  
年年春事年年恨  
一擔擔來是白頭

鄉舉鹿鳴勸駕

戊午

上苑春光已探來  
諸公逸駕莫遲回  
點頭定有文驚坐  
燒尾何妨酒吸杯  
自是功名難躡避  
須知氣節要壅培

老夫親手傳衣鉢來歲圖經用再開

諸路發解勸駕

東郡衣冠盛南宮榜帖新諸科唐取士數路漢得人鳴  
鹿殷勤意攀龍變化身若為明主獻忠讜要披陳

和景回胡計院數字韻就送其行

與君託鄉閭東野連西墅誰知俛仰間各各歲年暮當  
時同隊魚十已九捐故君抱珪璧姿方獲展寸步梁棟  
須羣材橡楠共支柱生從匠石園一一居王所何必効

鷗鳬江湖任來去但須飽讀易細玩奇耦數問之何將  
迎終然抱璞素砥柱三門津波瀾自流注

窺園

後園梅樹老槎牙初放枝頭一兩花便是春光先漏洩  
其如暮景已橫斜西湖處士吟情在東里先生心事賒  
清足亭前無限好五更魂夢定還家

小至三詩呈景回制幹并簡同官

六十三餘七十翁頗從靜裏得些工陰陽理向塵塵見

天地心於物物同  
荔挺生來元不死  
葭灰塞處自能通  
古今宇宙渾如此  
康節何煩企下風

莫嫌一點稚陽微  
化育工夫自此推  
履襪已無親可獻  
黍羔猶與俗相宜  
數千里外縈心事  
四五更頭欹枕時  
懇懇對天香一炷  
定知人願必天隨

勸君莫望楚雲飛  
一片雲飛雨淚垂  
去歲尚傳鴻鴈信  
今年空念鵲鴒詩  
大刀折處心尤苦  
半臂添來體更羸  
鼓笛謾將廳事聒  
誰知裏面有人悲

喜雪用禁物體

丁巳十二月六日

傍海風癡剪水難偷他瑞葉散雲端可須滕巽同宣力

坐使顓冥不曠官衣

去聲

被麥苗攬臘到裝褫花樹借春

看明年定賽今年熟野老心腴更體胖

一帳誰將罩太虛但憐鴈字不堪書江山盡在光華裏  
宇宙真成混沌初險地豈容呈坎壝荒林無復露空踈  
休將入蔡功名說思播新聞却衆狙

再用前韻

剪水工夫入細難  
節臣屑末祭豪端  
司寒便合修年譜  
凌室何妨踐世官  
惠可立時師受記  
焦先卧處衆爭看  
只緣一竅丹成熟  
四體那拘瘠與胖

中夜懷歸夢趣虛  
奈無黃耳寄家書  
高人不問閉門後  
征士應思遣戍初  
壓棟排簷能拉朽  
穿簾入隙解乘疎  
遙知山谷皆封路  
食絕腸饑有怒狙

三用喜雪韻呈同官諸丈不敢輟禁物之令也

不用憂他道路難  
渾淪宇宙杳無端  
齊腰若未能逃佛



滅迹何妨且弃官  
節士挺身松柏比  
田翁滿眼稻梁看  
明年飽喫宣州飯  
管取便便此腹胖

光浮暗室不因虛  
凍筆難呵且罷書  
可是羞明宜夜後  
何妨等伴到春初  
累茵合念閭閻苦  
返棹非於故舊踈  
堪笑老禪功用狹  
但能分食飼猿狙

四五用喜雪韻

不數元真與木難  
也休剪綵綴林端  
五車自有神朝闕  
萬寶非因賈送官  
老大已殘洄曲夢  
推敲且作灞陵看

忍寒袖手青燈畔解字閒書胖

去聲與胖

富貴家家遣五虛不須乞米効顏書垢除與物重更始  
朴散于今暫復初狡兔迷藏置謾設游魚潛伏網應疎  
此恩箇箇當沾被莫逐林間竊芋狙

戰退妖狐是不難飛毛散羽息爭端甕眠但願為逋客  
靴沒何須慕大官化化形形隨物付平平坦坦與人看  
閉門獨有袁夫子窮餓難磨氣象胖

覆蓋無分實與虛太平有象史官書園林底用誇未至

山水惟應訪遂初  
潤到青蔬尤脆美  
老添蒼檜更扶疎  
是中廣莫天同大

缺

何妨有傲狙

六用喜雪韻

白戰從來號令難  
不知此令孰抽端  
開倉自有齊相國  
排戶何煩漢縣官  
坐覺閭浮塵世隔  
便同佛度化城看  
遥思蘇武囚深窖  
氣力雖微志自胖

梵宮樓閣正橫虛  
俯瞰平疇一幅書  
宿鳥投林迷所自  
野籬尋穴失其初  
茅柴熟處功非細  
榘桷燒來計未疎

回首少年觀校獵忽飛一騎射山狙

七八用喜雪韻

不持寸鐵事應難何止空空竭兩端  
遠麓遮藏山被檄輕冰裁剪水能官  
將梁兔苑瀛洲比把蔡驚池臺閣看  
獨羨當年灰袋客雪埋氣宇更充胖

鑒賊邪川正瞰虛庚牌裏雪發軍書  
光搖闕角更傳後色眩觚稜月上初  
大抵衣袂須早戒莫教戶牖有時疎  
喜聞庸蜀羣兇吠辟易何分獲與狙

也知天女散花難束帛  
幾幾足端富貴何妨還白屋  
繁華亦欲傲蒼官  
梁山操裏聲愁聽湘水圖中景  
喜看爭似寒爐煨芋者  
身心何處不休胖

有年呈瑞厭輦孤虛不用東封更獻書  
鴈背嚴凝能備預  
鵲搜儲蓄善謀初併衣左伯情何厚  
穿履東方計莫踈  
聞說山林皆凍合  
獬豸無處覓雄狙

九十用喜雪韻

不用韓非騁雪難異同  
堅白謾多端  
恍迷千界現梵國

駢集萬妃驅女官要得彘生將苦沒恐他鼉怪作城看  
道人宴坐蒲團上外景常如內景胖

臘中三白瑞非虛不慮無冰魯史書臺長新蔬蒙賜後  
根舒宿麥受恩初憑陵敗絮寒能重撲菽斜牕曉漸踈  
林杪窮猿應禁口獠孫乞食向公狙

今歲饔寒亦大難裁裘製褐費無端旋添酒興嫌工正  
旁索詩材喜稗官見覩未消亭午待加霜更潔翌朝看  
遙憐掃巷歡娛輩大體何知小體胖

陳年古屋瓦浮虛穿漏時將被覆書集謝曾陪上相後  
映孫難忘秀才初墀花似鏤多奇異簷柱如排少濶踈  
吏卒報衙天未曉老身牽強類冠狙

十一二用喜雪韻

水潑衾裘夜卧難也休煖足喚端端平生自是冰為氏  
此際何妨火紀官無色圖從天地展有聲畫與古今看  
忽思十萬邊兵冷膚體相關豈獨胖

片片穿帷解擣虛夜明細字亦堪書五車現瑞從今後

一尺呈祥復古初煖室溫軒人起晏遠坊窮巷客來踈  
茅山見說黃精熟山友迷蹤饜黠狙

長安貧者再炊難臠肉蒼頭飫舌端食雪自應還猛將  
飲冰只合付清官尚興塞外鳴弦想臘欲江頭把釣看  
只恐逢他吹鐵笛骨寒股戰失吾胖

只堪閉戶著潛虛欲作遨頭畏簡書乍密乍稀雲凍後  
半融半落雨收初封條正恐觀梅錯漬穀猶疑學稼踈  
却喜明朝春稅駕氣蘇萬萬與狙狙



十三四用喜雪韻

安西都護肯辭難不怕天驕起怨端  
節義士知堪作使神僊人豈戀為官  
寒肩此際如樓聳眩眼當年似席看  
百丈山中誰築室是中非隘亦非胖

瑞氣應纏牛女虛坐令三白歷家書  
竹寒不用歌周末粟腐行將紀漢初  
蟠際混同能廣大方圓成就更通疎  
狐猿夜半疑通曉叫起攀林挂樹狙

普博誰云仁道難剪裁妙巧智之端  
都將凡物換英物

盡欲熱官成冷官色即是空隨手滅恩生於害轉頭看  
三千界裏毫光徹稽首惟應禮屈胖

雪邊好景說涵虛欲往從之掣簿書王道平平須有象  
皇風浩浩恐無初舉遮正恐渠難耐罷掃緣憂彼作踈  
翠浪黃雲來歲事已應癡望到鷺狙

和史司直韻

南方一佛放圓光散作閭浮蔭葡萄香便把此花為讚祝  
更將何物獻休祥建中聖主平平蕩錫福明王簡簡穰

共喜太平今有象新年好上萬年觴

疑怪虛牕徹夜明曉看積雪與堦平雖知樂歲無捐瘠  
尚恐初寒有怨情天地渾淪方返朴國家需澤正哀惻  
近方朔  
慈幼院區區甚願祈三白只怕人間忌滿盈

滕翁只道老非才不料窮冬雪壯哉擬撥寒蔬尋早韭  
試尋玉樹索寒梅孤汀錯認鷁為鷺四野偏宜年與來  
聞說廣鞞西北走將軍已自播州回

空中萬鶴舞盤旋飛向西天祇樹園一幅繒綃包宇宙

連城珪璧委郊原  
冰筍莫弄兩三曲  
鐵甲猶聯百萬屯  
痛痒不知惟党二  
至今浪有姓名存

世間傳假不傳真  
丞相可曾城換銀  
巷掃他家難敵富  
鼙鼓之子未為貧  
也知東郡行春守  
便作南溪釣雪人  
指砭為瑤慚興寄  
恨無一縷引千鈞

四明續志卷九

欽定四庫全書

四明續志卷十

宋梅應發劉錫同撰

和袁尚書韻

珠琲無煩費斗量家家潑撒不珍藏  
渾疑入臘梅花放已卜來年稻顆香  
萬感固知由氣類一垠元只自心秧  
天憐老子憂民切將變荒州作富穰

同前

蒙需黃芽且拜名製饋  
藥次韻不敢偏廢也

寂喧相去幾由旬禽戲何妨小屈伸  
退步自應行步穩  
識心安用捧心顰又看桃板迎新歲  
定是蒲輪訪舊人  
粒粒金丹分二百祝公丈六現金身

和趙知錄韻

黑風吹海屑銀濤莫辨秦瑰與楚瑤  
煮水煎茶還我輩  
竈煙文武火須調

甫能乞得六花飛又要憂它褐與衣  
爭似煙江漁釣侶

賣魚沽酒唱歌歸

造物從來害是恩  
由它珪璧委千門  
梅梢已露春消息  
小向涵虛駐客軒

再和趙知錄韻

妖蜃吹城匝海濤也疑瀛島產瓊瑤  
老滕解把真成妄  
郢曲如今始再調

只道梅花已亂飛  
何須點綴謝莊衣  
獨欣凍死安西虜  
載取狐巴馬上歸

何煩洛令市私恩有客甘貧自閉門恰似明州前錄事  
清高直可傲羲軒

餞趙物斛

戊午五月十七日

九折羊腸路險巇險巇過了始平夷風霜雨露無非教  
菌槿椒蘭各有時退步元來天地闊捫心自是鬼神知  
莫嫌載月舟如洗贏得清名滿海涯

同寅兩載意何傾不是人間兒女情嫉惡吾方欠隱忍  
鉅姦君亦太分明是非烈日秋霜勁利害浮埃抹電輕



臨別一言何所贈做人須做十分成

精義無窮在鄴籤更須於易倍深拈陽奇

讀作  
羈陰

偶機難測往屈來伸理可占有謂宣尼夫乃佞或

云仲子烏能廉聖賢言行多參考美疾猶應用石

砭

喜雨和趙右司

車水耕田正閔農夜來好雨一犁通相近可是須羣  
望陟降元來即上穹擊壤何曾知帝力觀風誰與

達天聰見他東作思南墅愁殺江南桑苧翁

相近讀作

禱祈

喜雨和史司直

六丁海面揭封回天上屯雲撮得來連月不曾聽澍雨  
今年方始見轟雷定知水畝移秧插底用泥塗把穀栽  
聞說君王勤露禱固應妖魃不為哉

簷溜終宵稍慰心更須三日始為霖雲雷尚覺經綸狹  
暑雨猶疑咨怨深不假溟鯢能激水何須堽鶴解知陰

回頭谷口耕樵侶辜負盟言愧斷金

秋思一首寄方君遇

西風黃葉墮堦前秋思撩人已可憐身漸衰來非一日  
心都懶處是今年愛憎毀譽何關我消息盈虛要識天  
六十四翁凡百足只祈君相放歸田

寄丁丞相

今年快活好重陽君相都俞盡主張飛語不容輕點污  
細書那更極揄揚無風無雨稻梁熟有酒有螯橙橘香

只待防冬平靜了來春衣錦又還鄉

喜雨預卜淮寇之遁口占小詩呈同官

下元節

敵寇逋誅尚不庭敢驅鐵騎瞰邊城滂沱無此十月雨  
攘卻過如百萬兵毳幙縱張淋易透馬蹄雖澁滑難行  
只願皇天相佑助皇天佑助亦人情

景回兄和篇甚佳信筆再用韻

犁掃終當盡穴庭將軍夫豈但嬰城何妨冰潦威曹賊  
應以風聲懾晉兵中立運籌飛凱奏昌黎吮筆草歌行

開年東作吾何在野老相携話故情

昨日大雨晝夜不止因再用前韻賦成一

律

佛狸索死離龍庭堪笑披猖欲背城  
釜為水懸憂後轍  
弓因雨弱失長兵  
突三千人如電掃  
誅兩萬戶若風行  
又報廣南騰露布  
太平從此慰皇情

和丁丞相

外國為陰中國陽  
豈容跋扈更鴟張  
捷書一紙來從廣

凱奏連旗至自揚盡瘁元臣食放箸媮安老守寢凝香  
但憐此土非吾土歲晚天寒憶故鄉

和惠檢閱送胡計院韻

小借園林一餉間相携送客上天闕  
顏齡晚歲淒涼裏  
今日明朝聚散間極目煙雲方渺渺  
滿溪桃李正斑斑  
老來尚被冠裳縛坐對漁舟亦厚顏

行小圃偶成唐律呈真翁自昭叔夏

巳未二月二十

今年花信已成空白白紅紅苦雨中老境摧頽春更好  
愁城高聳酒難攻一生當號知非子萬事都歸亡是公  
巴得新晴天亦笑東風吹夢過江東

和劉右司

震孫

見寄六絕一律

老子誰知密度闕却支筇杖訪荒園故應我輩鍾情別  
佳話真堪詔子孫

撩我歸心更欲歸綠英已是換紅菲分明不似高空鳥  
無弋無矰到處飛

鵲絆晴絲柳絮乾金沙玉李鬪開顏此時此景此中意  
付與仙翁一餉間

醪醕萬玉吐幽香芍藥千紅護綠裳好景只供人借看  
尋思百計是歸強

小兒亦解挽公留知有人間第一流老我相思無盡藏  
臨風一日幾搔頭

愁來只是向無何浮聖沉賢共一波若見江南煙釣侶  
寄言好與曬漁蓑



我家碧雲畔中有最高亭閱世已頭白看山猶眼青誰  
能環北轍那更徙南溟歸計天須許煩占處士星

送十二知軍領郡澄江

門戶喜方興送兒五馬行君恩天樣大家法水能清  
但務平平政何須赫赫名也休扳汝父皂白太分  
明

老父如汝年監州尚折旋後生何聞望小郡亦藩宣申  
浦秋潮落君山暮靄連菊時吾去此訪汝擊羣鮮

古風一首送常明仲還里社

韙軒吾石友相從三十年舌本多文獻  
胃笥皆簡編脊梁硬於鐵雖貧不言錢  
古井波愈靜老幹骨尤堅眈眼七十翁  
酖顏映銀髯辭我歸舊隱從此將終焉  
我懷雖惻楚君意難棄捐顧我亦歲徂  
華髮蒙其顛君王念帷蓋高車會當懸  
爾汝一蘧廬日月雙彈圓合離與聚散  
暮景必復然以茲強排遣送君鄞水邊  
空江漲夏潦遠山生夕煙野鳥投林飛  
漁舟衝浦還萬物各有適人

生且隨緣江東企西浙道里無半千幸反身强健尚可  
相周旋所愧韓魏公不能官老泉

明仲小姪歸浙江餞之西渡有感

韞軒從此入山深阿阮同途反舊岑老大分携朋友意  
死生契闊弟兄心碧雲悵望家千里白髮飄零酒一斟  
歲晚情懷易感觸不堪衰淚忽沾襟

宿秧青碧穉秧黃長葉抽苗勢已張田就再耘秋有準  
水收積潦旱無傷老牛引犢挨籬卧新燕將雛貼水翔

一壑一邱吾亦有誰憐留滯尚他鄉

餞鄭宗丞

煙靄晚將合湖山景致嘉誰為千里別客負一年花心事  
違春事年華上鬢華扁舟何日發回首水雲賒

天寧長老新齋堂請轉語

慧公幻出一齋堂巨棟危梁壓十方更有心堂無量闊  
閣中別有好思量

因藏主持此稽首諸山如有小小寺院保明出世

牛背牽來一牧兒要從古道去揚輝莫學當年隻履客  
無人秋采却西歸

代為大川重說偈言

無流無派亦無源糲食充饑衲禦寒直下承當直下了  
有何佛祖有何傳

僧若珪求短偈

黃連甜兮甘草苦這些滋味許誰知宰官具足端嚴相  
畢竟元無病可醫

山偈寄無聲老師

聞師遭遇善知識布衲時聞羅綺香照管為他眼景轉  
投胎託舍沒思量

前輩老古雖多有此等事醒醒着

又山偈就寄善知識

傳語當年白侍郎住行坐卧只尋常須彌山子才翻却  
便是人天大法王

題暗香疎影詞後用潘德久贈姜白石韻

人生浮脆若菰蒲四十年前此丈夫擬向西湖酹孤魄

想應風月易招呼

苦雨吟十首呈同官諸丈

已未五月二十七日

舊雨連今雨南鳩喚北鳩  
聲聲腸寸斷點點淚交流  
歷耳風來處凝眸天盡頭  
衷情如此苦造物亦憐不

自春爰及夏多雨少曾晴  
積壓兼旬潦瀰漫四澤盈  
稚苗憂冒沒矮岸恐頽傾  
急遣洪賓佐代余省爾氓

洪穴隄凡九泄水注之江  
荷鍾來如織奔湍去若撞  
雨聲雖斷續潦勢已賓降  
想見魚秧泛沙汀白鳥雙

早晚遣長鬚行田西北隅稻禾都旺否廬舍莫渰無高  
仰為何磳低窪是某都水痕如退落分寸要相符

正直三神列慈悲一佛尊須知真實念是謂吉祥門巨  
浸旋歸壑頑雲漸散屯更憑驅日馭揮霍照乾坤

田官決水歸喜若潰重圍晚種禾頭出新耘稻本肥已  
如雲氣勃只恨日光稀安得驅夸父搪開萬里輝

海鄉多下田潢潦易纏綿雲脚晚希露天心朝望穿壤  
蚯方惡出穴蟻又憂遷翻覆陰晴證愁腸日幾旋



連朝雨水淹燕寢似窮閭無處可就燥何時得附炎頻  
占季主卦屢乞鮑君籤千里人知否心香日夜添

五鼓立中庭踈星一二明轉頭雲復合移步雨還傾感  
召雖人事怨咨奈物情號空猶未應隱痛痛無聲

老守最憂農往來思慮忡半時半刻裏一飯一茶中饑  
溺真猶已恫瘝在厥躬天高元聽下一念豈難通

久雨喜晴檢閱計院紀以春容之篇敬用韻為謝

夜來坐客有蜀人鄧君莘起勉  
余為全晚節計故末句云然

樂天何愛詠堯夫非好吟愧乏康濟術粗懷飢溺心彌  
旬雨翻屋耄倪泣蒼旻微臣職芻牧瘡痛入肌深行若  
負刺芒坐如隱璫針再拜告入聲神明寸心秉堅金蠲租  
還已債議獄并弛刑但求講實政何暇競虛名天威咫尺  
臨昏翳忽開明宿苗既豐碩稚穠靡飄淫阿香亦効  
靈排陰吐洪音推出太陽輝天外旋收聲老守寬近憂  
濁醪呼客酌客有勸翁歸前身豈傅霖

賡劉自昭出郊佳什

已未六月十七日西郊觀稼

倦聽衙官報兩衙出門山水即吾家淺深碧綠湖田稻  
濃淡紅黃野岸花草草人生知有限悠悠客恨自無涯  
涼颼特為驅袪暑白鳥青天萬里賒

出郊偶賦

已未六月十七日

聊驅小隊出郊圻天遣涼風却午曦雨脚似披千足練  
山容如障數層幃並岸低疇苗領長近坡高隴稻頭垂  
因他景物思吾土還是黃雞白酒時

高橋舟中

已未四月初六日

小隊旌旗西郭頭  
筍輿緩步看農疇  
十分田有九分闢  
今歲人無去歲憂  
貼水新秧頭欲起  
連雲宿麥領都收  
天憐老子勤民瘼  
賜與豐年不待求

小麥青青大麥黃  
海鄉風物亦江鄉  
籃鋪蠶種提歸急  
肩夯牛犁出去忙  
春漲半篙波瀲灩  
曉山一帶色微茫  
東風客子思歸切  
不待啼鵲也斷腸

水雲鄉和制機劉自昭韻

己未四月六日

不禁歸夢五更長  
出見寬閒若故鄉  
天外慘舒雲黑白

隴頭大小麥青黃水雖四澤無蘆葦地不多山少柘桑  
却有一般堪愛賞虬髯老檜鬱蒼蒼

問君身世欲如何付與漁翁欵乃歌未酩酊時須酩酊  
得磨駝處且磨駝聲名草木知誰是功業旂常在古多  
百尺危橋聊弔往薰風首夏正清和

水高只合汎歸舟老大何須說壯猷樂事尚堪葵麥候  
豐年已兆黍禾秋西曹久負平平老東郡今稱上上州  
不待子規相勸督衰翁何止四宜休

和謝惠計院

插種如雲四月頭代它田畷閱耕疇意行不敢煩君重  
詩到偏能寫我憂占穀喜看連歲熟麗琛曾說十分收  
各家官事隨宜了尊酒相過莫外求

千林新綠褪萎黃人在它鄉某水鄉白鳥閑閑疑冷看  
蒼鷹擾擾正乾忙阿婆塗抹情何在老子瞢騰視已茫  
二頃良田元不欠一聲布穀斷人腸

寄樗寮張寺丞

春來物物攪愁腸排遣惟應闔醉鄉無奈督郵風味惡  
桃花流水願分嘗

舟楫娥祠敬留二絕

寶祐丁巳夏五  
中幹前一日

孝娥何意要垂名重在天倫一命輕若訂漢家彤史傳  
淳于公女尚偷生

雖然壩墓一拳土泰華衡常未必侔感動行人忠孝淚  
滄江不斷水東流

口占訓翁處靜

年來戶外故人疎慙愧新詞解起予賀監本家明與越  
扁舟來訪問何如

君異鄭凡出示舊詩蓋紹定初所信筆也俛仰三  
十年矣戲成口占復歸之

彈指江湖三十年淋漓舊墨尚依然人生未必堅如紙  
心事淒涼雪滿顛

和翁處靜賦木香

已未三月二十日四明堂

黃蘗檀心襯綠衣細成碁架四方齊只緣鼻孔撩天去



特遣清香起自低

喜雨二解

呈檢閱同官諸  
文已未七月

烏穢新春玉粒堆齊頭穠穢又相催  
高田猶怕夾秋旱  
上界俄聞發水雷  
幾日雲車停野外  
今宵雨旆入城來  
須臾簷溜如奔峽  
枕上吟哦一快哉

須知造化自心生  
風雨雲雷特踐形  
人在兩間元有事  
天於萬物豈無情  
焦枯蒙潤物蘇醒  
昏去聲悶得涼身泰

平晚夜桃笙時  
便背定應收捲向金莖

中秋無月和曾儀言制幹

見說瓊樓忒煞寒雲衣特地護宵端也應齒髮十分老  
自是嫦娥一笑難此夜不妨留客醉明年未卜共誰看  
歸與丘壑無窮趣何惜相從樂且盤

賦惠計院允堂

荆溪惠子鬢鬢鬢義理鑽研到粹精允矣名堂由意實  
漫云從仕但心亨一牕春草無窮意四壁秋蛩不斷聲  
若向此中能領會始知持敬造存誠

謝惠計院分餉新茶

乾坤正氣清且勁長挾春風作襟韻不惟散滿詩人脾  
還入靈根茁苔穎顧山仙人曇滯家帶春菟摘黃金芽  
擣碎雲英琢蒼壁旋瀉玉缺浮白花半甌和露沾喉吻  
甘潤遶肌香貫頂孔光賢處不脂韋長孺直時無苦梗  
平生腐儒湯餅腸不堪八餅分頭綱多君鄉味裏將送  
謂我詩情應得嘗分無蛾眉捧玉碗亦乏撐腰五千卷  
活火新泉點啜來儼若少陽人覲面飲散登臺嗅老香

却憶家山菊徑荒明朝便作玉川子兩腋乘風歸故鄉

四明續志卷十

欽定四庫全書

四明續志卷十一

宋梅應發劉錫同撰

沁園春

丙辰十月十日

夜雨三更有人歌枕曉簷報晴筭頑雲凝霧不難掃蕩  
青天白日元自分明權植油幢聊張皂纛坐聽前騶鼓  
角鳴君休詫豈宣申南翰成旦東征鴻冥哽噎秋聲  
正萬里榆關未罷兵幸揚州上督為吾石友荊州元帥

是我梅兄約束鯨鯢奠安鼯鼠更使岵夷海晏清連宵  
看怕天狼隱耀太白沉槍

同前

戊午自壽

笑指頽齡循環雌甲卦數已圓歎蜀公高潔休官去歲  
溫公耆舊入社今年底事崎嶇蒼顏白髮猶擁貔貅護  
海堧君恩重筭何能報國未許歸田遙憐宛甸山  
前正水漲溪肥繫釣船縱葵榴花開菖蒲酒美都成客  
裏爭似家邊寄語兒曹若為翁壽只把鷗盟更要堅翁

還祝願欃槍日靜穰秬雲連

同前 已未翠山勸農

二十年前君王車顧詔牧此州念昔時豪傑猶難闢  
闔如今老大却更遲留四載相望平聲三春又半邂逅劭

音翹農得縱遊田疇事是桑條正長麥含音汗初抽悠悠

身世何求算七十迎頭合罷音敗休謾繞堤旌纛牽連鷁

權喧天鼓吹斷送龍舟翠巘層邊碧雲堆處一擔擔來  
天外愁如何好且同斟綠醕自課清謳

寶鼎現

和韻已未元夕

晚風微動淨掃天際雲裾霞綺將海外銀蟾推上相映  
華燈輝萬砌看舞隊向梅梢燃畫丹燄玲瓏玉蘂漸陸  
地金蓮吐徧恰似樓臺臨水老子歡意隨人意引紅  
裙釵寶鈿翠穿夜市珠筵玳席多少吳謳聯越吹繡幕  
捲散繽紛香霧籠定團圓錦里認一點星球挂也士女  
桃源洞裏聞說舊日京華般百戲燈棚如履待端門  
排宴三五傳宣禁侍願樂事這回重見喜慶新開起膽



聖主齊壽南山勢拱東南百二

書錦堂

巳未元夕

綺縠團成珠璣搦就極目燈火樓臺七子八仙三教要  
隊相挨管簫笙簧相間鬪遠如聲韻碧霄來環千炬寶  
珊絳紗雲毬霧袞交加 千里人笑樂游妓合脂塵香  
藹籠街盡道今宵節物天與安排晚來風陣全收了夜  
闌還放月兒些些休辭醉長願每年時候一樣情懷

賀新涼

丁巳歲壽叔氏

未是全衰暮但相思昭亭數曲水村煙墅只比兒兒額  
上壽尚有時光如許況坎子常交離午須信火龍能陸  
戰更驅他水虎蟠滄浦崑崙頂時飛度東皇驀向崑  
崙遇道如今金階玉陛待卿闊步猶恐荆人攀戀切未  
放征帆高舉怕公去狐狸嗥舞江漢一詩誰作者想聲  
聲讚祝明良聚天下久望霖雨

同前

和翁處靜  
桃源洞韻

拍手闌干外想回頭人非物是不知何世萬事情知都

是夢聊復推遷夢裏也幻出雲山煙水白白紅紅雖褪  
盡儘倡條浪蕩皆春意時可醉醉扶起瀛洲舊說神  
仙地奈江南猿啼鶴唳怨懷如此三五阿婆塗抹徧多  
少殘櫻剩李又過雨亭臯初霽慚愧故人相問訊但一  
回一見蒼顏耳誰念我鷓鴣志

同前

再和

宇宙元無外問當年渠緣底事強逃人世爭似劉郎栽  
種後長恁元都觀裏何用羨武陵溪水一見桃花還一

笑領春工千古無窮意兒女恨且收起

洞中空

去聲闕

多閒地但人間羊腸九折未能知此我已衰翁君漸老  
那復顛張醉李看翻覆雨陰風霽捱得清和時候了艤  
扁舟只待歸來耳惟處靜解吾志

同前 三和

了却兒癡外撰園林亭臺館榭謾當吾世紅楯朱橋相  
映帶人在百花叢裏更依約垂楊襯水檜柏芙蓉棖桂  
菊也還須收拾秋冬意閒坐久忽驚起繁華寂寞千

年地便淵明桃源記在幾人知此雙手上還銀菟印超  
得東風行李看鄮領鄞江澄霽從此歸歟無一欠但君  
恩天大難酬耳嗟倦鳥投林志

同前

和趙丞  
相見壽

雪鬢難重綠但翛然黃庭境界抱藏龜六也向無何鄉  
裏去白墮舟邊漾淥筭種種塵緣都足爭那名韁猶繫  
絆儘辜它猿鶴雙溪曲時又夏暑將溽 虛舟飄瓦何  
煩歎奈羊腸千歧萬折近來純熟悵望老仙煙水外惟

把江雲送目想裴聖碧梧金竹安得結廬相近傍買閒田數畝躬耕築已夢斷大槐國

同前

夜來夢遊一所園林臺榭甚飾數羽流在焉余與語相酬酢有言詩者有言詞者須臾以酒見酌中有一人舉令云各和古詞一首且目余云相公和葉石林睡起流鶯語余素熟此詞成誦遂援筆廢之擲筆而寤枕上記憶不遺一字亦異矣以詞意詳之余三上丐歸之疏君父其從欲乎因錄呈同官諸丈恐可為他時一段佳話云

燕子呢喃語小園林殘紅剩紫已無三數綠葉青枝成

步障空有蜂旋蝶舞又寶扇輕搖初暑芳沼拳荷舒展  
盡便回頭亂擁宮粧女驚歲月能多許家山占斷鳬  
鷗渚最相宜嵐煙水月霧雲霏雨三島十洲雖鉞鑄難  
把歸舟繫取且放我漁樵為與從此細斟昌歎酒况神  
仙洞府無邀阻何待結長生縷

同前

因夢中和石林賀新涼并  
戲和東坡乳燕飛華屋

碧沼橫梅屋水平堤雙雙翠羽引雛偷浴倚戶無人深

院靜猶憶碁敲嫩玉還又是朱櫻初熟手掇提爐香一  
炷黯消魂竚立闌干曲閒轉步數修竹新來有箇眉  
峯蹙自王姚后魏都褪只成愁獨鳳帶鸞釵宮樣巧爭  
奈腰圍倦束謾困倚雲鬟堆綠淡月簾櫳黃昏後把燈  
花印約休輕觸花燼落淚珠簌

同前

和劉自昭  
俾壽之詞

寶扇驅纖暑又淒涼蒲觴菰黍異鄉重午巧索從來無  
人繫惟對榴花自語也何用謳秦舞楚生愧孟嘗攬一



日歎三千客汗揮成雨如伯始謾台傳 循環浩劫無  
終古但坤牛乾馬抽換是長生譜安得牋天天便許歸  
煉金翁木父問海運爭如穴處一笑流行還坎止筭陳  
陳往事俱灰土南墅鶴相思主

田文胡廣皆  
生於五日

### 暗香

猶記已卯庚辰之間初識堯章於維揚至己丑  
嘉興再會自此契闊聞堯章死西河嘗助諸大  
為殯之今又不知幾年矣自昭忽錄示堯章暗  
香疎影二詞因信手酬酢并賡潘德久之詩云

曉霜一色正恁時隴上征人橫笛驛使不來借問孤芳

為誰折休說和羹未晚都付與逋仙吟筆算只是野店  
踈籬樵子共爭席 寒圃衆籟寂想暗裏度香萬斛堆  
積惱他鼻觀巡索還無最堪憶萼綠堂前一笑封老榦  
苔青莓碧春漏也應念我要歸未得

踈影

佳人步玉待月來弄影天挂星宿冷透屏幃清入肌膚  
風敲又聽簷竹前村不管深雪閉猶自繞枝南枝北算  
平生此段幽奇占壓百花曾獨閒想羅浮舊恨有人

正醉裏姝翠娥綠夢斷魂驚幾許淒涼却是千林梅屋  
雞聲野渡溪橋滑又角引戍樓悲曲怎得知清足亭邊  
自在杖藜巾幅

梅聖俞詩云十分清意足  
余別墅有梅亭扁曰清足

暗香

再和

雪來比色對淡然一笑休喧笙笛莫怪廣平鐵石心腸  
為伊折偏是三花兩蕊消萬古才人騷筆尚記得醉卧  
東園天幕地為席回首往事寂正雨暗霧昏萬種愁  
積錦江路悄媒聘音沉兩空憶終是茅簷竹戶難指望

凌煙全碧憔悴了，羌管裏怨誰始得。

疎影

寒梢砌玉把膽瓶，頓了相伴孤宿。寂寞幽牕，篩影橫斜，宜松更自宜竹。殘更蝶夢，知何處只在昭亭山北。問平生雪壓雙溪，得似老枝擎獨。何事燕脂點染，認桃與辨杏，枝葉青綠。莫是冰姿改換，紅粧要近，金門朱屋。繁華艷麗如飛電，但宛轉斷歌零曲。且不如藏白收香，旋學世間邊幅。

# 暗香

儀真去城三數里東園梅花之盛甲天下嘉  
定庚辰辛巳之交余猶及歌酒其下今荒矣園  
乃歐公記君謨書古今稱三絕猶憶其詞云高  
甍巨桷水光百景動搖而下上其寬閑深靚可  
以答遠響而生清風此前日之頽垣斷塹而荒  
墟也嘉時令節州人士女嘯歌而管絃此前日  
之晦冥風雨飈飈烏獸  
之嗥音也令人慨然

淡然絕色記故園月下吹殘龍笛悵望楚雲日日歸心  
大刀折猶怕冰條冷藥輕點汚丹青凡筆可怪底屈子  
離騷蘭蕙獨前席深院宇更寂正月斷古邳暮靄凝

積何郎舊夢四十餘年尚能憶須索梅兄一笑但矯首  
層霄空碧春在手人在遠倩誰寄得

未改懷故人

疎影

咄瓊笑玉向畫堂可肯風露邊宿耐凍禁寒便瘦宜枯  
前身莫是孤竹從來不上春工譜夢不到沉香亭北算  
只消淡影疎香伴箇幽棲人獨莫待癡風駭蝶倩青  
女捺住多少紅綠落鴈寒蘆翠鳥冰枝近傍三間茅屋

缺

想這般夷曠襟懷

眇視乾員坤幅

暗香

用韻賦雪

九垓共色想洛濱劍客吹呼長笛  
爭芳老松別樹平欺  
爛柯折應是千官鶴舞  
騰賀表誰家  
椽筆賜宴也  
內勸  
宣來真個是瑤席  
休怪巷陌寂有一種可人掃了還  
積悲飢閉戶僵餓  
袞安我偏憶凝望天童列嶂誰大膽  
偷藏遥碧待問信清友看怕難認得

疎影

千門委玉是箇人富貴才隔今宿冒棟摧簷都未商量  
呼童且伴庭竹千蹊萬逕行蹤滅香不認溪南溪北問  
白鷗此際誰來短艇釣漁翁獨偏愛山茶雪裏放紅  
艷數朶衣素裳綠獸炭金爐羔酒金鍾正好笙歌華屋  
敲冰煮茗風流襯念不到有人洄曲但老農歡笑相呼  
麥被喜添全幅

水龍吟

戊午元夕

十洲三島蓬壺是花錦一團裝就輕車細輦綺羅香裏



夜光如畫朱戶笙簫盡樓簾幙有人回首想金蓮燦爛  
星球縹緲那風景年時舊應念白頭太守怎紅旗六  
街穿透鋪排玳席追陪珠履且醺春耐楚舞秦  
謳半慵鶯舌疊翻鴛袖把千門喜色萬家和氣祝  
君王壽

永遇樂

己未元夕

和氣薰來這般光景管無風雨盡棟朱甍錦坊繡巷娘  
子將嫖母星球高掛燈樓趲出良夜正消增五遨頭事

牙旗鐵馬且還那時鄞府 甘泉見說捷書頻奏漸  
次不煩輦鼓雙鳳雲間六鼇海上祝讚齊手舞三呼聲  
裏君王萬壽歲歲傳柑笑語便都把昇平舊曲腔兒  
旋補

同前 再和

天上人間這般光景管無風雨繡戶珠簾錦坊花巷戲  
隊將嫖母月扇團圓星球粲爛路遍市三街五升平事  
牙旗鐵馬且還舊家藩府 三陟見說凱歌頻奏漸

次不煩鼙鼓雙鳳雲間六鼇塵外想見都人歡舞火城  
春近金蓮地匝消夜果邊曾語元宵宰執賜消夜果如今但梅花  
紙帳睡魔欠補

同前

祝告天公放燈時節且收今雨萬戶千門六街三市綻  
水晶雲母香車寶馬珠簾翠幙不怕禁更敲五霓裳曲  
驚回好夢誤遊紫宮朱府 沉思舊日京華風景逗  
曉猶聽戲鼓分鏡圓時斷釵合處倩笑歌與舞如今閒

院蜂殘蛾褪消夜果邊自語虧人殺聲去聲梅花紙帳權將睡補

隔浦蓮

和葉編修  
士則韻

蘭橈環城數疊霧雨侵簾箔翠竹交加蒼樹幽鳥聲聲  
如答葦岸游綠鴨暮山合天際濃雲罨水周匝提携  
一醉濁賢清聖歡洽瀛洲美景盡道東南都壓今日愁  
顏回笑頰飛顰且將萱草歸插

同前

會老香堂  
和美成

扇荷偷換羽葆院宇人聲窈獨步亭臯下闌干並棲幽  
鳥新雨抽嫩草簷花鬧一片萍鋪沼燕雛小書空底  
事那堪手版持倒今來古往幾見北邙人曉鄉號亡何  
但日到休覺陶然身世塵表

水調歌頭

出郊翫水

小隊旌旗出畫鷁倚篙行青秧白水無際中有一犁耕  
聽得田翁相語今歲年時恰好眨眼是秋成老守何能  
解持此報皇明望家山千里外楚雲平良田一頃

非村非郭枕柴局况有簷林香透更有楊堤陰合魂夢  
每宵征巴得西風起吾亦問前程

同前

小憩袁氏  
園用前韻

老圃無關鎖放客意中行頗欣天地開闊煙釣與雲耕  
荷長亭亭翠蓋竹長森森翠葆景致鬧裝成幾樹榴花  
發映水色偏明綺樓空金屋靜恨難平鼓笙簫笛誰  
憐冷落暗塵局回首百年人事轉眼幾番今古日邁月  
俱征且盡一杯酒退步是前程

同前

夜來月佳甚呈景回自昭  
二兄戊午八月十八日

過了中秋後今夜月方佳看來前夜圓滿才是闕些些  
掃盡烏雲黑霧放出青霄碧落恰似我情懷把酒自斟  
酌脫畧到形骸問渠儂分玉鏡斷金釵少年心事不  
知容易鬢邊華千古天同此月千古人同此興不是旋  
安排安得高飛去長以月為家

同前

戊午九日偕同官  
延慶閣過碧沚

重九先

去聲

三日領客上危樓滿城風雨都佳天亦相邀

頭右手持杯滿泛左手持螯大嚼萸菊互相酬徙倚闌  
干角一笑與雲浮望平疇千萬頃稻梁收江澄海晏  
無事贏得小遲留但恨流光抹電假使年華七十只有  
六番秋戲馬臺休問破帽已飈飈

同前

再用前韻

天宇正高爽更躡最高樓長風為我驅駕極目海山頭  
不用牛山孟浩不用齊山杜牧人景自堪酬舉酒酹空  
闊汗與漫為游撚黃花憐白首恨難收頽齡使汝能



制何待更封留眼底朱甍盡棟往往人非物是蟋蟀自  
鳴秋萬里一搔首無處著蕭颼

同前 喜晴賦

屯結海雲陣奮擊藉雷公忽然天宇軒豁杲日正當空  
照出榴花丹艷映出梔花玉色生意與人同閉縱一翻  
手造化不言功想平時禾稊稊黍芄芄老農拍手相  
問相勞去聲笑聲中辦取黃雞白酒戲了山歌村舞等得  
慶年豐此際尊鱸客倚棹待西風

二郎神

已未自壽

者希近也是六十五翁生日恰就得端陽艾人當戶朱  
筆書符大吉卦氣周來重新起怕白髮蒼顏難必隨見  
定信緣餐飢眠困喜無啾唧 盈溢書生做到能高官  
秩况碌碌兒曹望郎名郡叨冒差除不一積世主恩  
滿家天祿婚嫁近來將畢還自祝願早懸車里社始  
為收拾

同前

再和

近時厭雨喜午日放開天日不用辟兵符從今去也管  
定千祥萬吉已報甘泉新捷到况更是豐年堪必任景  
物換來蛙鳴蟬噪耳邊噉唧陽溢儘教願乞兵厨閒  
秩看恰好園池隨宜亭榭人道瀛洲壓一旦恁浮沉奈  
何衰悴惟怕牧之名畢安得去占却三神絕頂瑞芝同  
拾

傳言玉女

巳未元夕

衆樂亭前都是鬱葱佳氣越姬吳媛祭珠鈿翠珥紅銷

粉褪幾許麝桃凡李連珠寶炬兩行緹騎 自笑衰翁  
又行春錦繡里禁肴宮醞記當年宣賜休嫌駝逗且向  
畫堂頻醉從今開慶萬歡千喜

滿江紅

戊午二月十七日  
四明窓賦

芳景無多又還是亂紅飛墜空悵望昭亭深處家山桃  
李柳眼花心都脫換蜂鬚蝶翅難沾綴謾相携一笑競  
良辰春醪美 金獸爇香風細金鳳拍歌雲膩儘秦簫  
燕管但逢場爾只恐思鄉情味惡怎禁寒食清明裏問

此翁不止四宜休翁歸未

同前

再和

聊把芳樽殷勤勸斜陽休墜吾老矣難從仙客採丹丘  
李且趁風光一百五園林尚有殘紅綴更怱怱百舌對  
般春聲能美鸞釵絆遊絲細鴛袖惹香塵膩想吳姬  
越女踏青纔爾爭似江南櫂櫓社俚歌聲拂行雲裏又  
枝頭梅子正酸時鶯知未

同前

戊午二月二十  
四日會碧社

樓觀崢嶸渾疑是天風吹墜金屋窈幾時曾貯麝桃凡  
李鏡斷釵分人去後畫欄文砌蒼苔綴想當年日日醉  
芳叢侯鯖美春水漲鱗鱗細春草暗茸茸膩筭留連  
光景古猶今爾椿菌鳩鵬休較計倚空一笑東風裏喜  
知時好雨夜來稠秧青未

同前

碧沚月湖  
四用韻

一笑相携且休管兔升烏墜那更是可人賓客未饒崔  
李金叵羅中醺醖瑩玉玲瓏畔歌珠綴望湖光一片浸

韶光真雙美 雲絮襞能纖  
細雲綠聚能粘膩料出山  
歸岫等閒間爾碧沁風流  
人去後石牕景物春深裏  
筭邯鄲客夢幾經殘炊猶未

同前

二園花卉僅有海棠未謝五用韻

問海棠花誰留戀未教飄墜真箇好一般標格娉梅奴  
李怯冷擬將蘇幕護怕驚莫把金鈴綴望銅梁玉壘正  
春深花空美 非粉飾肌膚細非塗澤臙脂膩恐人間  
天上少其倫爾西子顰收初雨後太真浴罷微暄裏又

明朝楊柳插清明鵲歸未

同前

景回計院行有日約同官數公酌酒于西園取  
呂居仁滿江紅詞對一川平野數間茅屋九字  
分韻以錢行色蓋反  
騷也余得對字就賦

把手西園有山色波光相對金馬客明朝飛棹水肥帆  
駛問我年華旬並七異鄉時景春巴二最堪憐遊子送  
行人垂楊外聊小小旌旗隊聊且且笙歌載正冥濛  
煙雨許多情態南北枝頭猶點綴東西玉畔休辭避待



蓴鱸歸思動西風相携未

同前

蒼雲堂後有桂樹為冬青遮蔽低垂將  
隕矣戊午八月呼梓人為伐而去之賦

斫却凡柯放巖桂出些頭地從此去引風披露暢條昌  
藥待得清香千萬斛且饒老子為知己趁今宵新月駕  
空來浮觴裏劉安笑淹留耳吳猛約何時是想故山  
深處翠垂金綴須信人生歸去好他鄉未必江山美問  
釵頭十二意如何非吾事

同前

戊午秋半偕胡景回劉  
自昭二兄卜飲待月

試問平生幾番見中秋明月今老矣一年緊似一年時  
節底事層陰生障礙不教玉界冰壺徹莫姮娥嫌此白  
頭翁心腸別風動處浮雲揭雲綻處清光洩倩何人  
掃蕩大家澄澈且掉悲歡離合事相逢只怕尊中竭教  
兒曹今夜上清霄探蟾穴

同前

戊午八月二十七日  
進思堂賞第二木樨

丹桂重開向此際十分香足最好處雲為幕護雨為膏  
冰樹杪層層如寶蓋枝頭點點猶金粟算人間天上更  
無花風流獨玉壇畔仙娥簇玉梁上仙翁掬歎吾今  
老矣兩難追逐休把淹留成感慨時間賞翫時間福怕  
今宵芳景便凋零高燒燭

同前

戊子九月七日  
碧沚和制幾韻

歲歲重陽何曾是兩般時景人自有悲歡離合晦明朝  
暝日月湖邊來往艇樓臺水底參差影又何妨時暫狎

滄波輕鷗並 閒頓放朱門靜新結裏朱簾整儘百年  
人事移場換境欲插黃花身已老強傾綠醕心先醒羨  
遊魚有釣不能收釣空餅

同前

鄭園省梅

安晚堂前梅開盡都無留萼依舊是鐵心老子故情堪  
託長恐壽陽脂粉汙肯教摩詰丹青摸縱沉香為榭綵  
為園難安著 高節聳清名邈繁李俗麤桃惡但山樊  
單行可來參錯六出不妨添羽翼百花豈願當頭角儘

暗香疎影了平生何其樂

同前

再用韻  
懷安晚

猶記長安共攀折瓊林仙夢人已去年年梅放怨懷誰  
托和靖吟魂應未醒補之畫手何能摸更堪憐老子此  
時來愁難著雲晝晚煙宵邈春欲近風偏惡早闌干  
片片飄零相錯邂逅聊拚花底醉遲留莫管城頭角且  
起居魏衛國夫人聞安樂

同前

戊午十二月八  
日賦後圃早梅

問訊江梅漸推出紅苞綠萼堪愛處平生懷抱歲寒為  
託瘦骨皺皮猶老硬孤標獨韻難描摸怕東君壓住等  
春來鞭先著止渴事風煙邈和羹事風波惡想翠禽  
啁哳笑他都錯爭似花開顏醉玉月天更引霜天角便  
一年強作十年人山中樂

同前

上已後  
日即事

寒食清明歎人在天涯海角饒錦繡十洲裝就只成離  
索歲去已空鶯燕侶年來儘負鷗鳬約想南溪溪水一

篙深孤舟泊 天向晚東風惡春向晚花容薄又酴醾  
架底綠陰成幄舴艋也聞鉦鼓鬧鞦韆半當笙歌樂問  
山公倒載接羅無都休却

同前

已未四月九  
日會四明牕

飮餽殘花也隨分紅紅白白綠底事春纔好處又成輕別  
芳草萋迷歸路遠子規更叫黃昏月倚闌干觸處是濃  
愁憑誰說 我不厭樽罍挈君莫放笙歌徹自河南丞  
相有茲賓客一笑何曾千古換半醺便覺乾坤窄怕轉

頭天際望歸舟江山隔

同前

已未賡李制參  
直翁俾壽之詞

午枕神遊曉雖唱城闕偷度俄頃裏筍輿伊軋征夫前  
路路入江南天地濶黃雲翠浪千千畝有瞠翁三五喜  
相迎鄰田父旋策杖尋幽圃旋挈榼陳高俎疑此身  
歸去朱陵丹府布穀數聲驚夢斷紗窻小陣梅黃雨把  
人間萬事一般看投芳醕

同前



擬卜三椽問何處水迴山曲朝莫景清風當戶白雲藏  
屋更得四時瓶貯酒未輸一品腰圍玉待千章手種木  
成陰周遮綠且休殢陶令菊也休羨子猷竹筭百年  
一夢誰榮誰辱喚客烹茶閒話了呼童取枕閒眠足但  
晨鄉一炷謝天公時豐熟

同前

和劉右司長  
翁俾壽之詞

回首家園竹多屋水還多竹那更是千峯凝翠一溪凝  
綠多謝故人相問訊奚奴步步收珠玉嘆暮林飛鳥也

知還尋歸宿 徧歷了岳與牧事過了官與祿算平生  
萬事儘無不足爭奈乞身猶未可只緣欠種清閒福想  
瞿硎仙子亦相思山之興

念奴嬌

詠白蓮用  
寶月韻

一般妙質笑樂天誇詫小蠻樊素萬柄參差羅翠扇金  
隊西方靚女不假施朱也非塗碧所樂去聲惟幽浦神仙

姑射算來合共游處 一任冶妓穠姬採蓮歌裏盡是  
相思苦花氣荷馨清入骨長傍銀河東注月澹風輕霧

晞煙細忽灑霏微雨此時心事美人澤畔停佇

同前

再和

為嫌塗抹向萬紅叢裏澹然凝素非粉非酥能樣別只  
是凌波仙女隋沼濃粧漢池冶態爭似滄浪浦淨鷗潔  
鷺有時飛到佳處夢繞太華峯顛與天一笑不覺躋  
攀苦十丈藕船游汗漫何惜浮生孤注午鼓驚回依然  
塵世撲簌疎牕雨起來寂寞倚欄一餉愁佇

同前

三和

白蘋影裏向何人可話平生心素月魄冰魂疑結就猶  
薄湘妃洛女吳沼芙蓉陳陂菡萏散入女珠浦採花蜂  
蝶霧深都忘去聲歸處堪笑並蒂霞冠雙頭酡臉只為  
多情苦空遣隔江遊冶子撩亂心飛目注同出泥涂獨  
標玉質不是曼陀雨風清露冷有人長自遲佇

同前

四和

天然鵲質想當年此種來從大素一點紅塵都不染羅  
列蟾宮玉女色壓薝林香欺蘭畹肯向聞簞浦靈龜千

歲有時游漾其處 應念社結廬山翻嗤靖節底事攢  
眉苦紐葉為盤花當盞有酒何妨頻注太液波邊昆明  
池上豈必沽金雨從教同輩為他皦皦疑竚

大素國名出荷花

同前

戲和仲殊已未四月二十七日

午飈褪暑向綠陰深處引杯孤酌啼鳥一聲庭院悄日  
影偷移朱箔杏落金丸荷抽碧筍景物挨排却虛簷長  
嘯世緣茵簟簟籜 休問雪耦絲蒲珮蘭鈿艾舊夢都  
高閣惟有流鶯當此際舌弄笙簧如約短棹雙溪么鋤

三徑歸計猶難說料應猿鶴近來多怨離索

八聲甘州

賡葉編修  
俾壽之詞

向鄞江面熟是薰風吹燕麥鳧葵賴君王洪福河清  
海宴物阜人熙想見牽帷使者隨處探聲詩羨高禽  
矰弋離聲貼天飛飛到蒼雲深處便斂收毛羽望暮林  
歸可以人不若剗地掛征衣且招呼麴生為友對槐陰  
時唱兩三卮今宵好如鉤桂月放出光輝

感皇恩

和廣德  
如軍韻

老去最難禁流光如水甲子從頭試指年年生日怕被  
傍人拈起若攀兒額顏齡猶未方丈瀛洲藍溪碧沚  
轉眼鱸萸便秋意君王定許整頓江頭行李角巾歸  
去也休里第

謁金門

枕上聞  
鶻賦

紗牕曉杜宇數聲聲悄真箇不如歸去好天涯人已老  
歌枕欲眠還覺猶有青燈殘照謾道惜花春起早家  
山千里杳

同前

和趙參謀

停畫鷁天外水澄煙碧莫看遨頭人似織今年都老色  
最苦今朝離夕未卜今年歸日生怕晚風銷酒力愁  
城難借一

同前

和劉制幾

山客野新把朝銜書寫應想江南樗櫟下踏歌雖黍社  
休問坤牛乾馬大率人生且且聊喚玉人斟玉斚莫  
辭沉醉也



同前

和自昭木香

風韻徹滿架平平鋪雪賈女何郎盟共結睡濃香更冽  
春去情懷怎說却喜不聞啼鳩月下時來聞蹀躞故  
園三載別

四明續志卷十一

欽定四庫全書

四明續志卷十二

宋梅應發劉錫同撰

浣溪沙

已未元夕

慶賞元宵口願晴天公每事稱能平管教簷溜便收聲  
三市海巡那惜夜九街社火亦爭名權將歌酒作工  
程

同前

和謙山

春岸春風荻已芽  
推排春事到蘆花  
只應推上鬢邊華  
投老未歸真左計  
久陰得霽且舒懷  
紅紅白白有殘

葩

同前

再用韻

海棠已綻牡丹芽  
猶有東君向上花  
不須惆悵怨春華  
裝綴園林新景物  
推敲風月舊情懷  
也饒浪蘂與浮

葩

同前

三用韻

正好江鄉笋蕨芽他鄉却看擔頭花只將蝶夢付南華  
萬事紛紜都入幻一杯邂逅且忘懷年年秋卉與春  
葩

同前

四用韻

雨過池塘水長芽放開晴日正宜花十洲三島撰繁華  
水畔麗人唐客恨山陰佳客晉人懷可憐雲葉與風  
葩

同前

已未三月二十  
五日賞茶蘼

最好荼蘼白間黃消他蜂蝶採花忙春殘紅粉厭梳粧  
畢卓正思身夜甕劉章底用令秋霜今宵幃枕十分  
香

同前

再賦

宮額新塗一半黃薔薇空自效顰忙澹然風韻道家粧  
可惜今宵無皓月尚憐向晚有繁霜何妨手撚一枝  
香

海棠春

已未清明對  
海棠有賦

海棠亭午露踈雨便一餉胭脂盡吐老去惜花心相對  
花無語羽書萬里飛來處報掃蕩狐嗥兔舞濯錦古  
江頭飛景還如許

同前

再用韻

嫩晴還更宜輕雨最好處欲開未吐一點聘梅心千古  
憑誰語臉霞暈錦嬌人處肯浪逐紅圍翠舞銀燭莫  
高燒春夢無多許

同前

三用韻

蒼龍天矯停今雨，正不待雲吞霧吐。絕笑大夫松，今古閒言語。清光冷艷，侵人處。漏月影婆娑，自舞擬作歲寒人。此願天應許。

霜天曉角

和葉檢閱  
仁叔韻

倚花傍月，花底歌聲徹。最好月篩花影，花月浸香奇絕。雙溪秋月潔。桂棹何時發。客裏明朝送客，多少事，且休說。

同前



此花此月一段風流徹更好參橫斗轉更漏斷人聲絕  
有誰秋共潔籬菊相將發留取歲寒心事待此際向  
君說

同前

和劉架閣  
自昭韻

杯中吸月桂樹飛瓊屑莫道胡床老子怕風露向淒冽  
回首雲蛾折老大成癡絕且醉今宵光景莫容易向  
人說

同前

為花問月誰把金魂屑猶有殘英賸藥秋向老香逾冽  
且莫都攀折有箇人愁絕縱使姮娥念舊星星鬢如  
何說

同前

和趙教授韻

新詞唱徹字字珠璣屑更有張顛草聖何止是成雙絕  
金粟如蜚雪掃地為芳席且領諸公一笑怕明夜無  
此月

同前

小山幽徹徧地堆香屑只恐今宵入夢夢到處魂孤絕  
八公頭已雪淮南分半席莫道淹留何事且長嘯對

佳月

同前

戊午十二月望安  
晚園賦梅上銀燭

梅花一簇花上千枝燭照出靚粧姿態看不足詠不足  
便欲和花宿却被官身局借問江南歸未今夜夢難

拘束

同前

己未五月九日老香堂  
送監簿姪歸和自昭韻

夜涼佳月掃盡輕衫熱便欲乘風歸去冰玉界瓊林闕  
不須持寸鐵孤吟風惜別且唱東坡水調清露下滿  
襟雪

同前

再和

舉杯吸月一洗煩襟熱想見摩訶池上星斗轉挂銀闕  
金吾傳漏鐵此時滋味別堦砌寒蛩聲細携手處人  
如雪

蝶戀花

和處靜水香

澹白輕黃純雅素一段風流歌枕踈牕戶夜半香魂飛  
欲去伴他月裏霓裳舞消得留春春且住不比楊花  
輕作沾泥絮况是綠陰成幄處不愁更被紅粧妬

朝中措

和劉自昭韻

春空一鳥落雲千只遣客心酸芍藥牡丹時候午牕輕  
暖輕寒流光冉冉清樽易倒清鏡難看謾道華堂深  
院誰憐鳳隻鵲單

同前

再用韻

可人想見倚庭干嚼句有甘酸休問沈腰潘鬢何妨島  
瘦郊寒時光轉眼兔葵燕麥又是睂睂誰念衰翁衰  
處春衫晚際尤單

同前

三用韻

楊花撩亂與雲干春事可悲酸況是雨荒院落江南但  
有春寒鷺殘燕嬾蜂慵蝶褪謾等閑看不是無情描  
貌奚奴且放安單

同前

四用韻

夜來夢繞宛溪干啼鴂夢中酸過了他鄉寒食白鷗刻  
地盟寒 雲溪雨壑月臺風榭借與人看得似野僧無  
繫孤藤杖底挑單

同前

五用韻戲呈

蘭臯徹夜樹旄干戰渴望梅酸想有歌姬半臂更深自  
可鑒寒 敲門寄曲驚回蝶夢旋篝去聲燈看壇下已收  
降將火牛不用田單

同前

老香堂和  
劉自昭韻

衰翁老大脚猶輕行到淨涼亭近日方憂多雨連朝且  
喜長晴謾尋歡笑翠濤杯滿金縷缺清況有蘭朋竹  
友柳詞賀句爭鳴

虞美人

和劉制幾舟  
中送監簿韻

東風催客呼前渡宿鳥投林暮欲歸人送得歸人萬疊  
青山羅列是愁城誰家臺榭當年築芳草垂楊綠雲  
深霧暗不須悲只緣盈虛消息少人知

鵲橋仙

己未  
七夕



馨香餅餌新鮮瓜果乞巧千門萬戶到頭人事控搏難  
與拙底無多來去癡兒妄想夜看銀漢要待雲車飛  
度誰知牛女已尊年又那得歡娛意緒

秋夜雨

和韻劉制機立  
秋夜觀月喜雨

不嫌天上雲遮月雨來正是雙絕雷公驅電母盡收捲  
十分袞熱三更又報初秋了少待他西風淒冽靈悟話

頭莫說且唱飲劉郎一闋

靈悟四明日者  
自號衆推其術

同前

客有道秋夜雨古詞因用其韻  
而不知角之為閣也并付一笑

雲頭電掣如金粟須臾天盡幃幙一涼恩到骨正驟雨  
盆傾欄角 桃笙今夜難禁也賴醉鄉情分非薄清夢  
何處託又只是故園籬落

同前

再和

單于繫頸須長索捷書新上油幙盡沉邊柝也更底問  
悲笳哀角 衰翁七十迎頭了先去聲自來聲利都薄歸  
計猶未託又一葉西風吹落

同前

已未八月二日  
新桃源和韻

吳翁里第還巾角不妨天地席幙家僮歸報道快釀酒  
休教醺薄相逢聚散應搔首且趲時一笑為樂人世  
大都濩落更莫問是非今昨

同前

西風半入孤城角人生歸燕巢幙倦翁衰甚也又不是  
官卑祿薄收繩捲索今番穩儘一丘一壑足樂還是  
遠空雁落報宛句溪光猶昨

同前

晚來小雨鳴欄角又還烟障雲幙四明牕透盪漸夜永  
練衫輕薄 候蟲但要吟教苦不管人老欠歡樂閑看  
燭花燼落浮世事轉頭成昨

生查子

已未八月二日  
四明牕和韻

坐臨芳沼邊荷氣侵衣濕唧唧暗蛩鳴點點流螢入  
人生歧路中底用楊朱泣一咲倚欄干頽玉當風立

同前

夜來雲氣浮帶得香烟濕萬籟本無情一一秋聲入

須臾離合間應笑兒曹泣新雨漲鄞江明日桅檣立

西河

和舊韻

都會地東南盛府堪記蓬萊縹渺十洲中雉城擁起凭  
高一盼大江橫遙連滄海無際壁衝衆山翠倚赤龍  
白鷄爭繫風帆指顧便青齊勢雄萬壘越棲吳沼古難  
憑興亡都付流水畫堂綺屋錦綉市是洛陽耆舊州  
里富貴榮華當世問昔年賀老踈狂何事輕寄平生煙  
波裏

桂枝香

三年海國又荏苒素秋天淨如冰淒砌寒蛩暗語杵聲  
相續梧桐一葉西風裏對斜陽好箇圖簇老香堂畔蒼  
然古檜無限心曲嘆石室棊方半局便時換人非光  
景能感千古鴟夷尚恐欠些歸宿倚空笑把輪雲事付  
坤牛乾馬征逐且巴重九昭亭句溪杖藜巾幅

南鄉子

和韻已未八月十日郊行

野思浩難收坐看漁舟度遠洲蘆葦已彫荷已敗風颼

桂子飄香八月頭  
歸計這回躊躇及家山一半秋  
雖則家山元是客  
浮休有底歡娛有底愁

同前

野景有誰收  
只在蒼鷗白鷺洲  
風樹飄搖雲樹暗  
衣颿目斷青天天際頭  
壯志世難酬  
丹桂紅蕖又晚秋  
多少心情多少事  
都休載取江湖一片愁

行香子

開慶己未八月十夜同官小飲逸老堂李直翁制參中示東坡題釣臺行香子吏筆

和韻

世事塵輕寵辱何驚不須更問君平一帆客棹幾曲漁  
汀正年華晚露華澹月華明休論煙閣莫說雲屏  
惟堪瓜種東陵駒陰短景蝸角浮名但歲難留身難健  
鬢難青

秋夜雨

依韻戲賦傀儡

腰棚傀儡曾懸索龕瞞憑一層幙施呈精妙處解幻出  
蛟龍頭角誰知鮑老從旁笑更郭郎揺手消薄歧路  
難準托田稻熟只宜村落



唐多令

答和梅府教

鷗鷺水中洲夕陽天際流倚西風底處危樓若使中秋  
無好月虛過了一年秋舉眼望雲頭蟾光一線否想  
嫦娥自古多愁安得仙師呼鶴駕將我去廣寒遊

南鄉子

答和惠計院

黃耳訊初收為說鷗汀與鷺洲爭問主人歸近遠颼颼  
定是登高九月頭有酒且相醕莫管西風滿鬢秋今  
日是今明日古休休轉首鄞江揔別愁

訴衷情

和韻

今宵分破鵲論秋孤客興何悠  
要向雲中邀月真箇是  
獸頭風陣緊電光流雨聲颼  
嫦娥應道未卜明年是  
樂還愁

水調歌頭

已未中秋無月

今歲月和桂不肯作中秋一年惟此佳節底事白教休  
我已侵尋七袞况復輪囷萬感合恨更分愁先是無聊  
賴雨意得能稠

缺

何處老難遊癡雲如妬

不知弦管可吹不安得風姨掃蕩推出團圓月姊便遣  
桂香浮世事十常九不使展眉頭

水調歌頭

和晦翁韻預賦山中樂已  
未中秋中澣書于老香堂

已是三堪樂更是百無憂山朋溪友呼酒互勸復爭酬  
釣水肥鮮鰕鰕採樹甘鮮梨栗穠稔一齊收樹底飛輕  
蓋溪上放輕舟笑鳴夷名已謝利還謀蝸蠅些小頭  
角何事被渠鉤春際鷺翻蝶舞秋際猿啼鶴唳物我共  
悠悠倚棹明當發歸夢落三洲

四明續志卷十二